

BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
N/r: gosp. Elmedin Konaković, Predsjedavajući
Skupštine Kantona Sarajevo

Our Ref:

Naš znak: *02-0F-1111-ATT*

Your Ref:

Vaš znak:

Date:

Datum: *06-06-2019*

Predmet: Odgovor na zastupničko pitanje

Veza: *Zastupničko pitanje dostavljeno uz Dopis Skupštine Kantona Sarajevo Broj 01-05-18645-65/19 od 15.05.2019. godine*

Poštovani,

U predmetnom dopisu Skupštine Kantona Sarajevo, Vladi Federacije BiH i BH-Gasu je dostavljeno poslaničko pitanje koje je na 8. Radnoj sjednici Skupštine Kantona Sarajevo, održanoj 14.05.2019. godine u okviru tačke Dnevnog reda „Poslanička/zastupnička pitanja, inicijative i odgovori“, postavio zastupnik Zvonko Marić:

„Molim Vladu Federacije BiH i BH-Gas da me obavijesti u kojoj je fazi projekat izgradnje Južne interkonekcije kojom bi se obezbijedio alternativni pravac snabdjevanja BiH plinom kao i Kantona Sarajevo koji je novom odlukom Vlade Federacije BiH o poskupljenju plina doveden u nezavidan položaj. Također molim informacije o već provedenim aktivnostima na ovom projektu, kao i da me obavijestite o narednim koracima, te kada se okvirno planira završetak projekta.“

U nastavku Vam dostavljamo odgovor kako slijedi:

Kao što je poznato, Federacija BiH/Bosna i Hercegovina trenutno je u potpunosti ovisna o jednom izvoru snabdjevanja prirodnim gasom (Ruski gas) i jednom pravcu (Ukrajina – Mađarska – Srbija). S tim u vezi, a dodatno uzevši u obzir starost postojećeg transportnog sistema Zvornik-Sarajevo (40 godina), starost transportnog gasovoda u Srbiji za potrebe snabdjevanja BiH (40 godina), eventualni prekid snabdjevanja gasom preko Ukrajine, projekat Južna interkonekcija je od krucijalne važnosti za gasni sektor u FBiH/BiH i predstavlja prioritetni projekat kompanije BH-Gas.

Planovi razvoja gasnog sektora Federacije BiH i privrednog društva BH-Gas d.o.o. Sarajevo, s krajnjim ciljem obezbjeđenja sigurnosti snabdjevanja postojećih i novih potrošača i diverzifikaciju pravaca i izvora snabdjevanja prirodnim gasom, slijede također pravce zadovoljenja odredbi primarne i sekundarne legislative Energetske Zajednice i Evropske Unije.

Uvažavajući navedeno, Vlada FBiH je na 106. sjednici od 15.06.2017. godine usvojila Zaključak V. Broj 853/2017 kojim je Projekat Južna interkonekcija BiH i Hrvatska proglasila projektom od strateškog značaja za Federaciju BiH, a Federalno ministarstvo energije, rudarstva i industrije (FMERI) i BH-Gas su zaduženi su da intenziviraju i nastave aktivnosti na realizaciji istog. Nadalje, Vlada Federacije BiH je na 160. sjednici od 25.10.2018. godine

donijela Zaključak V.broj 1242/2018 kojim se preciziraju zaduženja FMERI i BH-Gas s ciljem efikasne realizacije predmetnog projekta.

Značajno je napomenuti da je projekat Južna interkonekcija BiH i Hrvatska uvršten u strateške, odnosno razvojne dokumente BiH/FBiH: Okvirna energetska strategija BiH do 2035. godine, 2018, Strateški plan i program razvoja energetskog sektora Federacije BiH, 2009, Okvirna energetska strategija Federacije BiH do 2035. godine - Radna verzija, te Program javnih investicija Federacije Bosne i Hercegovine 2019.- 2021. Istovremeno, projekat je sadržan i na listi Projekata od interesa za Energetsku Zajednicu, sadržan je u Desetogodišnjem planu razvoja evropskih mreža (ENTSOG-TYNDP) za prirodni gas, te je kandidovan za 4-tu listu Projekata od interesa za Evropsku Uniju (PCI).

Projekat Južna interkonekcija BiH i Hrvatska predstavlja gasovod od granice BiH sa Hrvatskom do Posušja, preko Tomislavgrada, Bugojna do Novog Travnika sa odvojkom za Mostar i isti će biti spojen na postojeći transportni sistem. Realizacijom projekta, Bosna i Hercegovina/Federacija BiH bi pored novog pravca snabdijevanja prirodnim gasom dobila pristup novim izvorima prirodnog gasa kao što su planirani LNG terminal Krk u Hrvatskoj, skladišta prirodnog gasa u susjednim zemljama, izvori gasa iz Kaspijske regije i drugi, omogućila bi se gasifikacija područja uz novi transportni pravac, te razvoj tržišta uz postojeći transportni pravac priključenjem novih potrošača, uvođenje ekološki čistog energenta uz smanjenje emisije CO₂, te stvaranje bolje pregovaračke pozicije kod trgovine prirodnim gasom.

Do sada završena dokumentacija obuhvata:

- ✓ Predinvesticiona studija gasifikacije Hercegovačko-neretvanskog, Zapadno-hercegovačkog i Livanjskog kantona, EIHP, 2009.
- ✓ Studija predizvodljivosti – Južna interkonekcija BiH i Hrvatska, COWI IPF Consortium, 2013.,finansirana Grantom WBIU u iznosu od 400.000,00 EUR
- ✓ Analiza finansijske održivosti i analiza troškova i koristi za Južnu interkonekciju BiH - HR (Zagvozd - Posušje - Novi Travnik sa odvojkom za Mostar), Mott MacDonald CONNECTA Consortium, 2018., finansirana Grantom Evropske Komisije u iznosu od 141.000,00 EUR

Trenutno se provode pripremne aktivnosti za izradu slijedeće dokumentacije:

- ✓ Studije izvodljivosti (FS) i Studiju uticaja na okoliš i društvo, koje će se finansirati Grantom USAID u iznosu od cca 500.000,00 USD
- ✓ Idejnog projekta koji će se finansirati Grantom Evropske Komisije u iznosu od cca 1.000.000,00 EUR

Projekat je trenutno u fazi procesa provođenja javne nabavke za odabir Konsultanta za izradu Studije izvodljivosti i Studije uticaja na okolinu i društvo za gasovod Južna interkonekcija Bosna i Hercegovina i Hrvatska. Ova tenderska procedura će se odvijati preko Portala za nabavke Evropske banke za obnovu i razvoj na kojem je Tender već objavljen. Istovremeno sa izradom studija, planirana je i izrada Idejnog projekta sa elaboratom eksproprijacije.

Završetak Studije izvodljivosti i Studije uticaja na okolinu i društvo, te Idejnog projekata sa elaboratom eksproprijacije, s krajnjim ciljem **obezbjeđenja urbanističke saglasnosti i okolinske dozvole** za projekat Južna interkonekcija je planiran za treći kvartal 2020. godine.

Nakon ovih aktivnosti slijedi izrada glavnog izvedbenog projekta, te ishođenje odobrenja za građenje i u konačnici izgradnja gasovoda i pripadajućih objekata.

Prve isporuke prirodnog gasa putem gasovoda Južna interkonekcija se očekuju 2023. godine.

Za sve eventualne dodatne informacije, stojimo Vam na raspolaganju.

S poštovanjem,



Direktor

Jasmin Salkić